



DEO OPTIMO MAX.

UNI ET TRINO,

VIRGINI DEIPARÆ, ET S. LUCE,

Orthodoxorum Medicorum Patrono.

QUÆSTIO MEDICO - CHIRURGICA,

QUOD LIBETARIIS DISPUTATIONIBUS

manè discutienda, in Scholis Medicorum, die Martis  
decimâ-tertiâ Aprilis Anni M. DCC. XXXIV.

M. THOMA-RENATO GASNIER,

Doctore Medico, Præsîde.

*An in Artuum excisione tutius à Ligaturâ, quàm ab aliâ compressionis  
specie, sistitur Sanguis?*

I.



ARTUUM excisio ( amputationem vocant ) non temerè , nec nisi  
cùm cætera remedia jam nil proficiunt , suscipienda. At , quoties  
corporis partem aliquam immedicabilis cancer depascitur , aut illa  
serpente sphacelo consumitur in dies ; quoties ossa pertinax exedit  
caries , aut adeò detrita-fractaque videntur ut aliundè nulla salus  
fulgeat ; tunc , ne totus intereat æger , quamdam sui portionem de-  
perdat necessum est. Miserum , periculi plenum , sed unicum auxilium ! Pro re-  
secandorum artuum ratione dispari , dispar excisionis opus. In articulis , præter digi-

A

torum, sectionem institui vetant longæ suppurationis pericula, difficilior vulneris consolidatio. Quamobrem, ubi cætera membra præcidenda sunt, eò loci de-curtationem moliri caveat Chirurgus, nisi humeri in superiori parte vitium in-e-mendabile, solam hanc illi vixque successuram curationis viam, reliquerit. In fe-more, humero, brachio, quò minùs à corruptâ parte recedet operatio, eò magis corporis famulatio consules. Modò tamen, vitium inter & sanum, unius ferè digiti intercedat spatium. Non idem de crure dixeris. Quod semper, infra ipsissimas quæ patellam operiunt, aponevroses, id est, sex digitis à genù remotis, præcidere opus est, licèt longè inferiùs partem inficiat malum. Ut enim, hâc arte secto-rum tendonum plerumque funesta declinantur symptomata, sic etiam pars superstes ab inutili prostris & importuno pondere liberata, expeditius ac elegantius adsurgit, deficientisque functiones æmulanti, sese accommodat. Quæ in articulis sunt sectiones, scalpello perficiuntur, deligatâ priùs axillari arteriâ, si rescindendus humeri articulus. Aliam apparatus dispositionem expostulant, quæ in ipsis ossibus celebrantur. Singulo-rum artuum excisionem hic persequi nec vacat nobis, nec expedit. Satis sit, methodum quâ præcidi crus debeat delineasse. Ex illâ cæteras disces quæ eadem absoluntur *ἐξήγηται*. Sedet æger vel in lecti spondâ, vel in sedili aptato, ministris firmiter contentus, ne do-loris acuto sensu percitus sese moveat, movendoque interturbet operationem. Tunc, antequam ad ferrum deveniat Chirurgus, ut sanguinis rivos claudat ad libitum laxet-que, partis infernæ femoris cute sùsum ab uno ministrorum retractâ, dum alter ti-biam sustinet & fulcit, splenium circumvolutum inter tibix flexores apponit sub ipso poplite. Huic aliud longum applicat, quod circulariter reflexum totam involvit par-tem. Ut videlicet primum contineat, nec non ut subjectæ carnes, tutius minori-que cum noxâ, inter operandum, comprimì possint. Super utrumque, postea cingulum injicit torcularis ope valentius contorquendum, interpositâ priùs sub ipso torcularis vinculo chartâ densiore, vel assulâ corneâ. Aliud demùm infra genu funiculum fortiter circum-volvit, ad dictum excisioni locum. His peractis, stans inter utrumque ægotantis femur Chirurgus falcem cultrum dextrâ atripit, cujus aciem ita dirigit, ut uno tractu car-nem universam & musculos in orbem resecat quàm citissimè. Scalpello dein non an-ci-piti, quiddid carnæ substantiæ reperitur inter ossa, rescindit, instrumenti dorsum parti sanæ semper obvertendo, simulque periosteum abradit. Mox, interpositâ fasciâ quæ sectas, utpote servandas, carnes contineat, os utrumque ferrâ præcidit. Nunc scaturientes sanguinis fontes filere opus est. Inter varias, quæ hunc ad finem propo-nuntur, vias, tutiorem intellige, quâ vulneris infensioribus symptomatis obviam itur, & inducendæ cicatrici fugantur impedimenta.

## I I.

**A** Vasorum congerie, positu, diametro, microcosmi fabricam; ab illorum elã-tere succorumque quos vehunt revehantque motu, functiones, reposece. Non ali-ud repetenda venit ossium firma compages, quàm à pressiori tubulorum quibus conte-xuntur inter se contactu, eorumque minori, & paucissimæ quibus indigent humorum quantitati proportionate, diametro. Quæ solidas alias partes efformant vasâ, non ita arctis sibi invicem adherent vinculis, magisque patent succis allabentibus. Indè eorum flexibilitatem inferas, quæ ad tam varios motus necessitiò requiruntur. At quoniam in dies hâc de causâ aliquid eorum detritur substantiæ, brevì corrueret tam mirabile ar-tificium, nisi novæ tantùm accederet, quantum deperditur. Igitur in tenuissimis vasis, ex quibus alia efformantur, indefinenter decurrit fluidum deperditi jacturam refarciens. Succu reparantis subtilitatem, reparandorum tubulorum exilitatem, arguit insensibilis *trans-piratio*. Jam verò, si tibi horumcæ canalium gyri, glomeres, innumeræ convolutiones in-

notuerint, rotisſe nutritii patuerit indoles, tenes apertum cicatricis opus. Ubi vulnus infligitur, vel ſecantur vaſa, vel dilacerantur, rumpuntur, deſtruuntur. Hinc vulnere oriuntur diſcrimina, hinc etiam ad conſolidationem variæ excogitantur artes. Unici tantum expoſtulant diſciſſæ partes, ſi diſciſſæ tantum. Non niſi præviâ ſuppuratione coagmentantur, quæ dilaceratæ, contuſæ, vel fractæ fuerunt. Duplex igitur cicatricis opus. In utroque nararæ ſtupeas ingenium. Statim atque partium incifione diſſolvitur unitas, liquores ſuos evomunt ſecti tubuli, donec nativâ contractilitate retrocedant, eorumque, vicinorum & integrorum preſſu, patentia occludantur oſcula. Tunc hiat vulnus, vulneriſque labra tument dolentque. Neque enim fugere verſus integritas partes ſauicia poſſunt vaſorum reticula, quin aliquantulum nervoſa, quibus annectuntur, ſtamina diſtendant. Vides inde plagæ marginibus dolorem inferri, à dolore multiplicari vaſorum contractiones, ac proinde calorem accetiſi. Tunc, vel ſuendo vel deligando, prout ſauciatæ partis ſitus, aut figura vulneris expoſtulabit, fac ut ad ſe invicem accedant oræ, brevi conſolidationem obtinebis. Ubi primum adducta fuerunt vulneris labra, qui ſine motu torpebat in ſectorum vaſorum extremis liquor, ſuſcitato calore & increbrefcente vicinorum tubulorum *ſyſtole*, excitatur. Ergo ſubtilior liquoris portio ſeſe expedit, & in oppoſita vaſorum extrema blandè irrepens, quâ patent, ſibi molitur viam. Hac duce, quæ ponè ſequitur liquoris portio viſcidior minoriſque motu prædita, idem iter legit. At quoniam huic contracti ſectorum vaſorum parietes exitum facilem negant, inſtat à tergo novus humor, qui calcar admovet. Sic paulatim ſeſe extricant, ſectique canalis extremum præterlabitur portio craſſior. At, dùm vi ſic moras rumpit, tubulos elongari neceſſum eſt. Elongatiſ tubulis ad ſe invicem accedunt ſectæ utrinque extremitates. Tunc in obvia adverſorum tubulorum oſtia ſeſe inſnuat humor ille ſpiſſior, coeuntiumque extremorum rimulas ſui glutinis explet aſpergine. Novum ergo ſœdus ineunt vaſa, quod in dies rore ſuo latex nutritius ſtringit firmatque. Ex his facile colliges quæ ad cicatricem promovendam conferunt, 1<sup>o</sup>. caloris nativi beneficiſmum, 2<sup>o</sup>. ſectorum vaſorum extenſilitatem, variam diametrum, 3<sup>o</sup>. nutritii toris acceſſionem. Quæ licet in omni conſolidatione opus abſolvant, diverſa planè præbent *phænomena*, ſi ſuppuratione mundari vulnus indiget & expurgari. Juvare naturæ induſtriam reregere, quâ, quidquid coagmentandis diviſis partibus obeſt & adverſatur, eliminat, novæque ſubſtantiæ generatione, deſtructæ compenſat diſpendium. Vulnus à coeundo prohibent, illius magnitudo, vaſorum laceratio, contuſio, rupio, & illud omne quo deſtruitur eorum tonus. Tunc enim aut ad ſe invicem adduci nequeunt diſjunctæ partes; aut ſi adducantur, præ moris vitæque defectu nunquam conglutinantur. A vaſorum ſauciorum verſus integritas partes retroceſſione, ſanguinem ſiſti, dolorem invehi, denique calorem accendi, tibi jam compertum eſt. Ex his inferre promptum, ab eodem fonte derivari, quæ contingunt in gravioribus. Cùm autem in magnis vulneribus ſectorum tubulorum extrema altius retrocedant, patet & majorem fututam nervearum fibrillarum diſtenſionem, & in vulneris labris dolorem intenſiorem, difficilioremque ſanguinis & aliorum ſuccorum motum. Quid inde? In contugatas partes appellens ſanguis, aut negato exitu, eas magis ac magis diſtendit, aut, aditu recuſato, in vicinas uberius erumpet. Tument igitur vulneris oræ. At eâ proportionem ſauciatorum vaſorum extrema comptrimi certum eſt, quâ tument vicinæ partes, inter quas, ſeſe retrahendo, reconduntur. Illorum idcirco parietes integros ſibi firmiter applicari, conglutinari. Inſuper, dùm ab arietante jugiter humorum mole creſcit in vulneratâ parte calor, humores qui inferius in ipſis ſinibus torpent paulatim evolvi, ipſorum extremorum lacinias aut rigidos immoſque villos liquari. Scires puris inchoari geneſim, quæ deciduæ lymphæ interveni, ingeminatis vicinarum arteriarum iſtibus, abſolvitur. Liquatis igitur extremorum vaſorum laciniiſ & humoribus, jugiter effluente pure, minuuntur in dies reſiſtentia, compreſſio, tumor, liberiſque pede ad vulneratam partem appellant ſucci. At quoniam,

ad oclusorum vasorum fines nullo fulcimento innixos indefinenter propelluntur, elongantur eorum extrema, quæ pro variâ directione sibi invicem intertexta monticulos in vulneris superficie efformant. Nec tunc minui suppurationem mireris. Siquidem, dum sic undique sylvescunt & expanduntur tubuli, vicinorum, quos jam suppurationi mundavit, ocludunt ora. Sic *cuique* natura perficit. Sic vasorum germinatione cicatrice vulnus obducitur.

## I I I.

**A**D inducendam vulneri cicatricem frustra te accinges, nisi subsilientis per apertas arterias sanguinis exitus ocluseris. Vel enim, ubi absque suppuratione consolidationem tentas obtinere, coeuntium extremorum juncturas dividet imperu factor cruor; vel, ubi prævia requiritur suppuratio, vulneratam partem calore defraudabit. Indè pater quanti sit momenti purpuro laici fugam prædicere. Quod quidem ut in omni continui solutione necessarium, sic in artuum excisione dixeris urgentissimum. E numero pluribus compressionum speciebus, quas, ad ocludendam majorum arteriarum ostia, Medicorum excogitavit industria, hanc amplectere quæ coagulantis earum extremis idonea magis, vicinisque partibus infensa minùs. Vorum implebit ligatura. Quæ licet à (a) Græcis, Arabibus, Parisiensibusque Medicis antè Pareum cognita fuerit & celebrata, nobis tamen, quàm veteribus, usitatio est. Sic autem in cruris excisione instituitur. Soluta, quod suprà genu carnes stringebat, vinculo, laxari torcular jubet Chirurgus, ut erumpens sanguis arteriam prodat. Iterum constricto torcular, quatuor lineis infra arteriam, totidemque suprà, curvam acum filo instructam in carnes profundè adigit, filique extrema nodo uno & altero firmat. Sic cum vicinis partibus ligatur arteria. Eodem modo, quæ iterum torculari laxato reteguntur, artus vincit. Dein, ligaturæ superimpositis spleniolis, linamentis & specillis vulneris obtegit. Hæc omnia deligatione in galeri modum instituta continet. Nunc quomodò sic ligata arteria coalescat paucis expediamus. A sanguinis grumo (*θρομβον* Græci vocant) obthuramenti instar arterias ocludi, censuit (b) Galenus. Quam sententiam amplexus est alius, nullâ de Galeno mentione factâ; ea forsân mente, ut, si fidem inveniret hæc opinio, laudes auctori suo detorquerentur, secùs, in eo videretur excusandus, quod tanti hominis auctoritate peccasset. Sed liceat, in eo, à Galeno dissentire. Sui similem ubique se præstat natura. Quâ arte majorum arteriarum conglutinationem, eâdem minorum coalitum, illa perficit. Quapropter, si à grumo cornu duritiam amulante constaret obthurari majorum arteriarum ostia, rectè concludendum foret eodem modo claudi minorum aperturas. Utrique restagatur, conglutinatæ parti, & si minor, tamen restituta, flexibilitas. Eo loci qui ligaturæ proximior est, internos filo ævinctæ arteriæ parietes sibi mutuò applicari nemo diffitebitur. Hanc applicationem firmat, 1<sup>o</sup>. staminum quibus illi contextuntur ampliatio, quæ, ob interceptas humoribus quibus alluuntur vias, necessariò contingit, 2<sup>o</sup>. eorundem humorum intumescencia quæ ab intensiori calore promovetur. Jam, ut intelligas sic applicitos arteriæ parietes conglutinari, memineris universos corporis tubulos exilissimis poris pervios esse, quos dilatari necessum est & elongari, dum in eisdem tubulis accumulatur succorum moles major, quos intensior calor reddit mobiliore. Ergò evolutum à calore subtilissimum serum per parietum sic sibi junctorum poros exudabit. Quos dum dilatat, gelatinosæ simul & à calore glutinosiori factæ lymphæ portioni viam sternit. Illius nimirum vestigia premere cogit hanc impellens à tergo lymphæ. Ambo igitur in obvios adversi parietis poros sibi cudent aditus. Vides indè, ex oppositis sic sibi junctorum arteriæ parietum commissuris, novos ductus fieri, quos præterlabitur latex nutritius, præterlabendo firmat, glutine suo intervalla, si quæ sint, opplendo. Non aliâ de causâ, in peripneumoniâ pulmonis superficies plevæ connectitur. In hepatis, peri-

a Galen. method. medendi lib. 5. Avicenn. lib. 4. fen. 4. trait. 2. Targantius, &c.

b Galen. loc. citato.

toneo jecoris agglutinator pars convexa; in herniis, intestinum sacco vel spermaticis vasis adhærescit. Sic obthuratur arteria novo suorum parietum nexu, antequam filo devinctæ partes suppuratione liquentur.

#### I V.

**P**OST artuum resectionem sistendi sanguinis modum, absque deligatione vasorum, excogitavit solertissimus apud Batavos Chirurgus nomine (a) Verduynus. Nec est quod hujus inventi primum se glorietur autorem. Siquidem, quæ super eâ re proposuit, omnia ferè complexus est (b) Celsus. Quasi in fatis, nihil novi Chirurgiæ accessurum, nisi à Medicis. Sic autem excisioni manum admovent Verduynus. Apposito suprà genu torcularè, & infrà patellam subjecto vinculo, lavâ suram arripit. Hanc, infrà insimul, quod patellæ subjacet, ligamentum, gladio ancipiti dextrâ transadigit, quàm proximè fieri potest ad os utrumque. Ita ut ab oppositâ parte cuspis transeat. Unâque & eadem incisione suræ musculos transverberando, usque ad tendonem Achillis excurrit. Eam demùm portionem carnis abscindit, quæ sufficere videatur pro vulnere in regimento. Dein, quàm celerrimè potest, cæteras ligamini subjectas carnes incidit, abrasque periosteo, os utrumque, non aliter ac jam dictum est, serrâ dividit. Excisso cuture, faucias carnes à grumis, ossium frontem à rasurâ, spongiam madidâ repurgat; & leniter reflectendo propendentem reservatamque suræ partem, eâ vulnus obtegit. Hanc, si vulneris oras excedat, forficibus renovat decurtatque. Obducuntur postcâ plagæ margines orbiculari fungo, quem crepitum lupi vocant. Excisso membri trunci vesicâ madidâ superimponitur, huicque altera emollita aliquantò major. Has continet firmatque glutinans emplastrum, tertiâ vesicâ prioribus longiori, cooperiendum. His ita munitis, lamina concava, splenio quadruplicato iunctis obducta, mutilata parti applicatur. Tunc, torcularè dissoluto, laminam comprimunt à coriaceâ fasciâ genu involvente lora duo pendentia in crucis Burgundicæ formam flexa, firmiterque sibilis & aciculis clausâ. Hanc licet excisionis methodum plurima commendare videantur; nihilominus tamen ab eâ manum abstinere non dubitabis, si, saluti potius ægrotantium consulere, quàm commoditati, fers animus. A solâ abscissâ suræ parte validissimè in sectas arterias applicitâ, sanguis sistitur. At, ex illâ tam forti compressione, quot imminet vulnere pericula, quot cicatrici neçtuntur impedimenta? Præterquam quod liquorum, ob tubulorum reflexionem, languet in applicitâ parte motus, dum sic illa premitur undique, non solum ne penitus aboleatur, sed etiam, ne vasa ipsa detracantur, metuendum. Nec est quod objicias in dies compressionem minui, ut hæc avertantur mala. Siquidem laxatam deligationem pressò pede sequetur hæmorrhagia. Nec, semicylindricæ machinæ femori alligatæ retinaculumque trunco suppeditantis, hic extollas beneficium. Etenim, antequam illud adaptetur, sublati fasciis, malè firmatam cicatricem sui juris factus dirimet sanguis; aur, inter adaptandum, conglutinationem inchoatam, manibus novâque compressione, disturbabis. Undè tu ipse sanguinis repagula dirues. Quod si suavis carnis serratorum ossium asperitas inflammationem suscitaverit, si compressione confusa suppuraverint, si suppuratione cruoris vitæ reserata fuerint; quidquid moliaris in posterum, sanationis spem adimet fugiens sanguis nulla arte coercendus? Quantò magis, si, quod in omni suscipiendo perficiendoque opere Chirurgico cavendum imprimis, Gangræna vulnus non solum, (c) sed etiam superiores partes ab arctiori deligatione nimium constrictas obfesserit. Nec silentio mihi prætermittenda videtur alia sistendi sanguinis ratio, quam, ut omnibus aliis tutiorem, proposuit unus haud inferioris ætatis è Chirurgis Parisiensibus: scilicet ille (d) machinam excogitavit (quam tamen longè antea paucis exceptis à Sculteto delineatam reperies) quâ & truncus & extre-

a Vide. P. Verduyni dissert. Epistol. de nova artuum decurtandi ratione. 1696.

b Celsus, Celsum pag. 498. edit. Vindob. Londæ.

c Vide Prod. Rossini rescript. ad Mavrit. à Reverendi, super nova artuum decurtandi method. 1701.

d Mémoires de l'Acad. des Sciences, 1731. p. 91.



num sectæ arteriæ comprinuntur ad libitum. Sed quamvis illam felicem exitum sortitam fuisse in femotis excisione asserat; in re tam magni momenti, unico tantum exemplo considerare insulsum foret. Quin immo, ex eo quoddam, in casu de quo agitur, prospeto successu donata fuerit, rectè concludere est pessimè cessuram in aliis. Nec sunt hic verba voceque tantum. Unica solum artetia erat comprimenda, eaque, propter antiquum fistulosumque vulnus, callosa ac pæne ossæ. Jam à triginta tribus diebus celebrata fuerat excisio. Suppuraverant sectæ carnes callosæ, duriores, ac proinde minus sensibiles. Ex quibus licet inferre, minus mobilem arteriam rectè compitimi potuiss; compressoriæ pilæ à cochleâ vibratæ parvam molem, adeoque vicinis carnibus à callo induratis parum infensam; suppuratione jam ad finem vergente, cruralis arteriæ truncum impunè pressum fuisse. Quis autem in arte vel mediocriter versatus, has conditiones defuturas esse non judicet, in recenti excisione, post quam & sectæ parres dolentiores sunt, & arteriæ numero plures mobilioreque comprimenda? Quis non videt, à pile comprimentis majori latiorque mole, vulnere præsentissimum gangrenæ periculum imminere? Quis demùm non perspicit, à partium vulneratarum distensione nimia & dilaceratione, febrem inflammationemque accersi. At inflammationem, imminuto sanguinis ad vulneratam partem appulsu, truncum arteriæ premendo, præcavebis. Quasi simul necessariam suppurationem non accites? Quasi, vulnus sanguine defraudando, compressionis dolorem imminueres?

## V.

**QUEMADMODUM** de genere humano bene mereri censendi sunt ii, qui remedium suppellectilem inventis utilibus augere student; sic virupetio digni videntur, qui novitate inanis gloriolæ fumum aucupantes, sibi magis quam ægrotantibus serviunt. Facessat hæc prava nominis ampliandi libido, quæ vitæ mortalium insidiatur. Standum remediis longo usu confirmatis, si nihil melius recens ætas retexerit. Non, ob vetustatem, cautetium actuale, vitriolum & alia id genus, ex Chirurgorum officinis ablegavi Medicina. Sed quod ad sanguinem sistendum tutiorem esse ligatutam, vulnorumque conglutinationi minus infensam, comperuit. Nec, novitatis gratiâ, compressionum aliis speciebus confidet usquam, quas ligaturâ periculosiores intelligit atque noxiores. At, inquires, Verduyni methodo longæ suppurationis tædia vitantur, arcetur à vulnere tam infensus aëris affluxus, substernitur ossibus carneum pulvinar, undè artificiali tibie innitendi major facilitas. Ergone promtior, qui incertus est, coalitus? An non ipso aëte formidabilior hostis sphacelus? Quid, si ex ossium trunco exstosæ pullulaverint, nonne te pudebit utilitatis dubiæ specie allectum, periculosiorem curandi viam tentasse? Objicies, hunc operandi modum aliquoties feliciter cessisse. Quid ad nos, si sæpius succedat ligatura, si minora secum invehat pericula, si, quod in omni excisione primum, sanguinis fontes, illævis vicinis partibus, præpediat? Instat alterius Autor machina, simulque à suâ compressione convulsiones anteverti clamitat, quas non rarò à ligaturâ, nervo artetiam concomitanti, suscitari contendit. Hæc sicum faciant impetritis, quos later acum & altè adigendam, & vicinas artetie carnes filo comprimendas esse. Hæc industria forvabunt à fili stringentis noxis immunem nervum interjectæ carnes, &, diutius hærente vinculo, firmior erit artetie consolidatio. Dicit non eâ vi sanguinem in arteriis impelli quæ compressionem mediocrem superare valeat, præsertim cum arteriæ truncus unâ comprimatur. Adedne sectarum artetiarum exinanientur extrema, ut tam facile possint ocludi? Minimè. Quid enim confert ad fines artetiarum minorum sanguinis quantitatem appellere, si in eis moram necesse cogatur cruor & acervari, propter angustias, ab eadem compressione, venarum diametros? Sed tædet his lon-

giùs immorari. Ex aliis etiam, quæ benè multa sunt, quisque doctus intelliget, cæteris compressionum speciebus, ligaturam anteponendam esse.

*Ergò in Artuum excisione tutius à Ligaturâ, quàm ab aliâ compressionis specie, sistitur Sanguis.*

## DOMINI DOCTORES DISPUTATURI.

<i>M. Antonius Casamajor.</i>	<i>M. Ludovicus - Petrus le Hoc, Consiliarius Medicus Regis ordinarius in ejus Castellero.</i>	<i>M. Petrus Marais.</i>
<i>M. Raymundus de la Riviere.</i>	<i>M. Antonius - Nicolaus Guenault.</i>	<i>M. Franciscus Gouët.</i>
<i>M. Franciscus - Josephus Hunauld, Regia Scientiarum Academia, Regique Societatis Londinensis Socius, in horto Regio Anaromes &amp; Chirurgia Professor ac Demonstrator.</i>	<i>M. Paulus - Jacobus Malouin.</i>	<i>M. Urbanus Leaulté.</i>

Proponebat Parisiis LUDOVICUS-FLORENTIUS BELLOT, *autor.*  
 Rojanus Ambianensis, Baccalaureus Medicus, A. R. S. H.  
 1734, à sextâ ad meridiem.